

U E F A

Zaključak Izvršnog odbora N/FS BiH povodom zahtjeva FK "Borac" Banja Luka za vanredno preispitivanje odluke Drugostepene komisije za licenciranje klubova N/FS BiH

Na osnovu vašeg pisma od 20. juna 2018. godine u vezi zahtjeva FK "Borac" Banja Luka za vanrednu reviziju odluke Drugostepene komisije za licenciranje klubova N/FS BiH i vašim opisom stvari, naša shvatanja su da je FK "Borcu" Banja Luka (u daljem tekstu: FK Borac) odbijena licenca za učešće u domaćem prvenstvu najvišeg ranga u 2018/19. godini, prvo od strane Prvostepene komisije za licenciranje klubova N/FS BiH, a potom i od strane Drugostepene komisije za licenciranje klubova N/FS BiH 29. maja 2018., nakon čega je uslijedila žalba kluba.

Molimo da obratite pažnju na to da Član 7 paragrafi 2 i 3 *UEFA-inog Pravilnika o licenciranju klubova i finansijskom fair-playu, izdanje 2015.* (u daljem tekstu: CL&FFP) jasno navodi da "*Prvostepeno tijelo [Prvostepena komisija za licenciranje klubova N/FS BiH] odlučuje o tome da li licenca treba da se odobri aplikantu na osnovu dokumenata predviđenih rokom za podnošenje, kojeg je odredio davalac licence, ili da li licenca treba da se povuče*" i "*Apelaciono tijelo [Drugostepena komisije za licenciranje klubova N/FS BiH] odlučuje o žalbama podnesenim u pismenoj formi i donosi konačnu odluku o tome da li treba izdati ili povući licencu*". Ukratko, odluke o izdavanju licence mogu isključivo preuzeti tijela za donošenje odluka o licenciranju klubova, kako što je definisano i u skladu sa relevantnim pravilnikom i Statutom N/FS BiH.

Pored toga, Član 7 paragraf 7 CL&FFP-a navodi da članovi organa za donošenje odluka "*ne smiju istovremeno pripadati izvršnom organu asocijacije članice UEFA-e*", to je odredba koja se takođe odražava na Članu 8 paragraf 9 *Pravilnika o licenciranju klubova N/FS BiH, izdanje decembar 2017.*, kao i na Članu 13 Statuta N/FS BiH. U tom kontekstu, treba naglasiti da je ključni princip dobrog upravljanja i licenciranja klubova razdvajanje moći i nezavisnost relevantnih tijela i procesa donošenja odluka. Zaista, svi oni koji su uključeni u sistem licenciranja klubova moraju poštovati ove principe nezavisnosti u skladu s relevantnim pravilnicima, statutima i državnim zakonodavstvom.

Stoga, bez unošenja u meritum slučaja koji se odnosi na domaće prvenstvo najvišeg ranga i koji spada u odgovornost relevantnih tijela N/FS BiH, Izvršni odbor N/FS BiH ne bi trebao imati nadležnost da se miješa u proces licenciranja i/ili promjenu odluke nezavisnih organa za donošenje odluka, kako je pravilno navedeno u vašem pismu. Odluke Prvostepenog organa i Žalbenog tijela bi trebale biti, u skladu s pravilnicima i statutom N/FS BiH, konačne i obavezujuće.

U E F A

Aleš Zavrl
Direktor Licenciranja klubova